

NEWS RELEASE



NR 09-25 NSB INUIN – Takupkaqtitaunariqtughaq

Inuit Katimaqatigiingit Uqaqhimayut \$1 milian-taalanik Hanayauyughamut Ilihaqvighaq NS-kunnit

(December 14, 2009 – Iqaluit, Nunavut) Nunavut Tunngavikkut Angayuqaangat Paul Kaludjak uqaqhimayuq uplumi taapkua Katimayit angiqhimayut \$500,000-taalanik ikayuutighat niuvrutighaat nuutaamik ilihaqvighaq Nunavut Sivuniksavunmut. Taapkua pingahut Aviktuqhimayut Inuit Katimaqatigiingit aajjikkuiqtuqhutik aittuqhimayut. Hivulliqpaaq akiliqtuqtaghaat \$200,000-taalat akiliqnariqtauniaqquq, amiakkualu akiliqtauniaqquq ukiuq tamaat \$200,000.-taalanik. Una ikayuut piinnarianiktitauyuq November-mi ikayuqtagamik katimayinit NTI-kut katimaqyuqaqtillugit.

“Una tuhaayaghaq quvianaqtuq, ukiuqaliqhutiklu 25-nik ukiunik NS-kut quviahuutiginahuaqhugu aippaagu. Havakpakkamik havaktiit NS-kut ilihaqvianit ukiut qaangiqtunit iniqtiqhimayuqaliqtuq 330-nik, naajjutik angiklivaalliqniaq nutaamik ilihaqvialiqqata,” Kaludjak uqaqhimayuq, uqaqtiuyuq kivgaqtuqhugit taapkua hitamat katimaqatigiinut Angayuqqaangit.

Katimayit Tunngavikkut Nunavunmi aullaqtittihimayut hapkuninnga 1985-mi ilihaiyumaplutik inulramminik Inungnik nunataarutininik. Una ilihaqvik atuqyaunnaqtuq tamangnit Inuit inulramminit Nunavunmiunitlu. Parnaiyaivaktuq inulramminik havaaghattianut Nunavunmi iliaqtittinikkutlu Inuit ilitquhiinik, Inuit katimaqatigiinginit, nunataarutininik ahiillu ihumaalugiyayut. Una kiinauyanik aittuutauyuq naunaitkutauvuq NTI-kut ikayuttiarahuaqmata hapkuninnga aghuuqhugillu iliaqtamingnik inulrammiit.

“NTI-kut RIA-kullu quviahukput aittuqhigamik nutaamik ilihaqvighaanik Nunavut Sivuniksavut. Uvuuna ikayuqhimmaaqtut aittuqnikkut talvunga ilihaqvitiyuqumut inulramminut. Kavamaqyuatkunit Aulapkaiyi Thomas Berger uqattiaqhimayuq naunaitkutainit 2006-mi unipkaariplugit iliaqtut talvani aniqniuyutut ittut hivunighaatalu Nunavut,” uqaqtuq Kaludjak.

-30-

Naunaittiarumaguffi:

Kerry McCluskey
Aulapkaiyip Ikayuqtiat Tuhaqtittiniqmut
Nunavut Tunngavikkut
Hivayaut: (867) 975-4914
Akiittuq Hivayaut: 1-888-646-0006
kmcccluskey@tunngavik.com
www.tunngavik.com